



Headlines

- 18मीं लोकसभा दा पैहला इजलास अज्ज नमें चुनोए दे सांसदे दे शपथ ग्रहण कन्नै शुरू होआ, प्रधानमंत्री नरेंद्र मोदी होरें सब्भनें शा पैहले सगंध चुक्की।
- प्रधानमंत्री नरेंद्र मोदी होरें आखेआ जे उंदी सरकार देश दी सेवा करने ते लोकें दियें आसें-मेदे गी पूरा करने लेई बरोबर यत्न करदी रौह्ग।
- खाद्य सुरक्षा प्रबंधन यकीनी बनाने सनें जमाखोरी ते सट्टेबाजी गी रोकने लेई केंद्र सरकार नै राज्ये ते केंद्र शासित प्रदेशें दे थोक ते परचून बपारियें उप्पर कनक दे भण्डारण लेई हद्द तय करी दिक्ती ऐ।
- जम्मू दे डिप्टी कमिशनर सचिन कुमार वैश्य हारें इक मीटिंग लाइये औंदी श्री अमरनाथ जात्तरा लेई कीती जा रदियें तैयारियें दा जायजा लैता।



LS-Oath

18मीं लोकसभा दा पैहला सत्र अज्ज नमें चुनोये दे सांसदे दे शपथ ग्रहण कन्नै शुरू होआ। प्रधानमंत्री नरेंद्र मोदी जेजे जे लोकसभा दे लीडर न, उनें सब्भनें थमां पैहले सदन दे सदस्य दे तौरा पर सगंध चुक्की। आरजी स्पीकर मृतहरि मेहताब होरें नरेंद्र मोदी होरें गी सगंध चकाई। बीजेपी दे सांसद राधा मोहन सिंह ते फगन सिंह कुलस्ते होरें चेयरपर्सन पैनल दे सदस्य दे तौरा उप्पर सगंध चुक्की। उआं कांग्रेस दे सांसद के. सुरेश डीएमके दे सांसद टी.आर बालू ते टीएमसी दे सुदीप बंधोपाध्याय होरें पैनल दे सदस्य दे रूप च शपथ ग्रहण कीता। एहदे मगरा केंद्रीय मंत्री राजनाथ सिंह, अमित शाह, नितिन गडकरी, शिवराज चौहान, मनोहर लाल, पीयूष गोयल, राजीवन रंजन उर्फ लल्लन सिंह, डॉ. विरेंद्र कुमार, किरण जिजिजू, चिराग पासवान, ज्योतिरादित्य सिंधिया, अन्नपूर्णा देवी ते होर दुएं केंद्री मंत्रियें लोकसभा दे सांसद दे रूप च सगंध चुक्की। केंद्री मंत्री एच.डी कुमारस्वामी ते प्रहलाद जोशी होरें कन्नड़ भाषा च ते धर्मेन्द्र प्रधान ते जुएल ओरेम होरें उडिया भाषा च सगंध चुक्की। केंद्री मंत्री सी.आर फातिल होरें गुजराती च, प्रताप राव जाधव होरें मराठी च सुरेश गोपी होरें मल्ल्यालय ते सुकांता मजूमदार होरें बंगाली भाषा च सगंध चुक्की। केंद्री मंत्री डॉ. जतिंद्र सिंह होरें डोगरी भाषा च सांसद दे रूप च सगंध चुक्की।



PM-Parliament

प्रधानमंत्री नरेंद्र मोदी होरें आखेआ ऐ जे 18मीं लोकसभा दा आगाज़ विकसित भारत दे संकल्प कन्नै होआ रदा ऐ। उनें आखेआ जे उंदी सरकार देश दी सेवा करने ते लोकें दियां आसां-तांगां पूरी करने दा हर मुमकन यत्न करोगा। मोदी होरें सदन दे बाहरें पत्रकारें कन्नै गल्ल करदे होई आखेआ जे उंदी सरकार सब्भनें गी कन्नै लेइयै संविधान दी पवित्रता गी बरकरार रखदे होई तेजिया कन्नै लोकें दे हित च फैसले करंगन। मोदी होरें गलाया जे

विश्व दे सब्बनें शा बड़े चुनां गी बड़े शानदार ढंग्गै कन्नै तोड़ चाढ़ेआ गेआ ऐ। उनें आखेआ जे इस बारी दे लोकसभा चुनां इस लेई बी बड़े खास रेय न, कीजे देश दे लोके अजादी दे मगरा दुई बारी कुसा सरकार गी लगातार त्री बारी देश दी सेवा करने दा मौका दित्ता ऐ। प्रधानमंत्री होरें आखेआ जे देश दे लोक विपक्ष थमां बी बेहतर आचरण दी हीक्खी रखदे ना। उनें मेज बुज्झी जे विपक्ष लोकतंत्र दी गरिमा बरकरार रक्खदे होई उंदी मेदे उप्पर खरा उतरोग।

<><><><><><>

President

राश्ट्रपति द्रोपदी मुर्मू होरें अज्ज राश्ट्रपति भवन च भरतरि मेहताब होरें गी 18 लोकसभा दे आरजी स्पीकर दे रूपा च संगंध चुकाई। इस मौके उप्पर उप राश्ट्रपति जगदीप धनखड़ ते प्रधानमंत्री नरेंद्र मोदी होर बी उत्थे मौजूद हे।

<><><><><><>

Congress-PM

कांग्रेस नै अज्ज नीट म्तेहान, हाल च गै पच्छिम बंगाल च होई दी रेल दुर्घटना ते महंगाई दे मुद्दे गी लेइये सरकार दी नुक्ताचीनी कीती। पार्टी दे प्रधान मल्लिकार्जुन खड़गे होरें सरकार उप्पर दोष लाया जे ओह इनें सब्बनें मुद्दे उप्पर खामोश ऐ। सदन दे बाहर पत्रकारें कन्नै गल्ल करदे होई पार्टी सांसद राहुल गांधी होरें दोष लाय जे सरकार संविधान गी कमजोर बना'रदी ऐ ते इस्सै विपक्षी पार्टी संसद सत्र दे पैहले ध्याड़े सदन च संविधान दियां प्रतियां लेइये आवा'रदे ना।

<><><><><><>

Opposition-MP

इंडी गठबंधन अज्ज सदन च संविधान दियां प्रतियां लेइये पुज्जी। कांग्रेस, टीएमसी, डीएमके ते होर दुए सदस्य सदन च संविधान दी कापियां लेइये पुज्जे। इनें सांसदे च कांग्रेस लीडर सोनिया गांधी, राहुल गांधी, मल्लिकार्जुन खड़गे, टीएमके दे टी.आर बालू, टीएमसी दे कल्याण बेनर्जी बी मौजूद हे जिनें नारेबाजी बी कीती। समाजवादी पार्टी दे संसद बी पार्टी प्रमुख अखिलेश यादव हुंदी अगुवाई च सदन च संविधान दियां कापियां लेइये पुज्जे।

<><><><><><>

Rijuju-Elected Members

संसदी मामले दे मंत्री किरन रिजिजू होरें 18मीं लोकसभा लेई नमें चुने गेदे सब्बनें सांसदे दा अज्ज सोआगत कीता। सोशल मीडिया दी इक पोस्ट च श्री रिजिजू होरें सदस्ये गी सैहयोग देने लेई अपनी उपलब्धता दा जकीन दोआया। उनें आखेआ जे उनें सदन गी बवस्थित ढंग्गै सिर चलाने च सब्बनें दे सैहयोग दी हीक्खी लाई दी ऐ।

<><><><><><>

PM-Reforms

प्रधानमंत्री नरेंद्र मोदी होरें आखेआ ऐ जे एनडीए सरकार लेई सुधारें दा मतलब 140 करोड़ भारतीयें दे जीवन च सुधार आहनना ऐ। सोशल मीडिया दी इक पोस्ट च श्री मोदी होरें आखेआ जे माल समेयान ते सेवाएं सरबन्धी टैक्स-जीएसटी गी आहने दे बाद परोआरें दे इस्तेमाल आला माल-समेयान मता सस्ता होई गेआ ऐ। उनें आखेआ

जे एहदे चलदे गरीब ते आम लोकें लेई बचत जकीनी बनी ऐ। श्री मोदी होरें आखेआ जे सरकार लोकें दे जीवन च सकारात्मक बदलावें लेई सुधारें आली इस जात्तरा गी अग्गे बी बरोबर जारी रखने लेई बचनें बज्जी दी ऐ।

<><><><><><>

Wheat-Stock

खाद्य सुरक्षा प्रबंधन जकीनी बनाने सने जमाखोरी ते सट्टेबाजी गी रोकने लेई केंद्र सरकार नै राज्यें ते केंद्र शासित प्रदेशें दे थोक ते परचून बपारिएं पर कनक दे भंडारण लेई हद्द तय करी दिती ऐ। नमीं दिल्ली च मीडिया गी संबोधित करदे होई खुराक ते सार्वजनिक बंड सरबंधी मैहकमे दे सचिव संजीव चोपड़ा होरें आखेआ जे बपारिएं ते थोक विक्रेताएं लेई एह हद्द 3 ज्हार टन होग। परचून विक्रेताएं लेई एह हद्द 10 टन मुकरर कीती गई ऐ। एहदे अलावा उंदे डिपुएं लेई एह हद्द 3 ज्हार टन गै होग। चोपड़ा होरें आखेआ ऐ जे एह हद्द 31 मार्च 2025 तगर लागू रौहग। उनें इब्बी गलाया जे सरकार जरूरतें दे आधार उप्पर भंडारण दी हद्द दा जायजा लैग तां जे कनक दे भाह स्थिर बने दे रौहना। चोपड़ा होरें कनक दी कमी सरबंधी मीडिया दिएं रिपोर्टें दा खंडन कीता ते इस गल्लै गी फही दोहराया जे मुख्य च कनक दी कोई कमीं नेई ऐ। उनें आखेआ जे सरकार कश सबबै विकल्प खुल्ले पेदे न ते हाल दी घड़ी भंडारण दी हद्द तय करने दा विकल्प चुनेया गेआ ऐ। उनें आखेआ जे कनक दे भाह स्थिर न ते उपभोक्ताएं दे हितें दे मद्देनजर भाएं च किश स्थिरता बनी दी रौहग।

<><><><><><>

DC-Jammu

जम्मू दे डिप्टी कमिशनर सचिन कुमार वैश्य होरें इक बैठक लाइये औंदी श्री अमरनाथ जी दी यात्रा लेई तैयारिएं दा जायजा लैता। एसएसपी डाक्टर विनोद कुमार होरें बी इस महत्वपूर्ण बैठक च हिस्सा लैता। बैठक दरान जात्तरा कन्नै सरबंधत केई महत्वपूर्ण पैहलुएं पर चर्चा कीती गई जिंदे च ट्रैफिक प्रबंधन, सुरक्षा, श्रद्धालुएं लेई स्थूलतें, सार्वजनिक घोषणाएं आली प्रणाली ते साफ-सफाई सरबंधी हीले शामिल हे। डिप्टी कमिशनर होरें सी.सी.टी.वी कैमरे ते अगग स्थालने आले उपकरण स्थगित करने दे निर्देश दिते। उनें आखेआ जे लंगर आली थाहरें दे आले-दोआले खास ध्यान दिता जाना लोडचदा ऐ। एसएसपी विनोद कुमार होरें अमरनाथ जात्तरा गी कामयाब बनाने लेई बक्ख-बक्ख मैहकमें बश्कार तालमेल दी जरूरतै पर जोर पाया। ध्यानजोग ऐ जे श्री अमरनाथ जी दी सालाना यात्रा ऐगती 29 जून थमां शुरू होआ करदी ऐ ते एहदे लेई नोडल अफसरें, सुरक्षा प्रबंधें ते होर दुए सबबै इंतजाम करी लैते गेदे न।

<><><><><><>

Amarnath-Yatra Tour

कश्मीर दे सेहत सेवाएं सरबंधी डरैक्टर डॉक्टर मुश्ताक अहमद राथर होरें औंदी 29 तरीक थमां शुरू होआ करदी श्री अमरनाथें दी जात्तरा दे सिलसिले च कल चंदनवाड़ी बेस कैंप अस्पताल थमां शेषनाग बेस कैंप अस्पताल तगर दा दौरा लाया। उनें अपने इस दौरे दौरान उत्थे स्थापित कीती गेदी सेहत दिक्खभाल आली स्थूलतें दा निरीक्षण कीता। डरैक्टर होरें अमले दी दस्तयाबी, ढांचागत सुविधाएं, दवाइएं, उपकरणें ते होर दुए लोडचदे साज-समेयान दी उपलब्धता दा जायजा लैता। उनें चंदनवाड़ी थमां पिस्सु टाप आले नमें रस्ते उप्पर उपलब्ध मेडिकल सुविधाएं गी तगड़ा बनाने दे बी हुक्म दिते। उनें सरबंधत अधिकारिएं गी आखेआ जे ओह हासल निशानें बारै रिपोर्ट दैनिक आधार पर उनंगी जमा करोआन। राथर होरें उत्थे तैनात अमले कन्नै गल्लबात कीती ते नेय मुश्कल

हालात च सेहत दिक्खभाल आलियां सूलतां उपलब्ध करोआने लेई उंदी सराहना कीती। उनें अमले गी निर्देश
दिता जे ओहू यात्रा गी कामयाब बनाने लेई कोई कोर कसर बाकी नेई छोडना।

<><><><><><>

Yatra-NHW-CCTV

जम्मू-कश्मीर च औंदी अमरनाथ जातरा दे मद्देनजर उधमपुर शां बनिहाल तगर एन.एच-44 उप्पर सी.सी.टी.वी
लाए गये न तां जे ट्रैफिक पुलस गी यात्रा सरबंधी हर इक जानकारी हासिल करने च सखाल होई जा। ट्रैफिक दे
जरनैली शिडक दे एसएसपी रोहित बसकोत्रा होरें एहदे बारै गल्ल करदे होई स्हाडे संवाददाता गी आखेआ।

<><><><><><>